



Na osnovu člana 2.9 stav (1) tačka 1. i 2. Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22 i 51/22), Centralna izborna komisija Bosne i Hercegovine je, na 48. sjednici održanoj 23.09.2022. godine, donijela

INSTRUKCIJU o primjeni člana 2.9 stav (1) tačka 1. Izbornog zakona BiH

Član 1. (Predmet)

Ovom Instrukcijom uređuje se postupak koordiniranja i nadgledanja Općih izbora 2022. godine u Bosni i Hercegovini, koji se održavaju 02.10.2022. godine, od strane supervizora, akreditiranih i ovlaštenih ispred Centralne izborne komisije Bosne i Hercegovine (u daljnjem tekstu: supervizor).

Član 2. (Vrijeme i mjesto posmatranja)

Supervizor iz člana 1. ove Instrukcije, za nadgledanje rada izborne komisije osnovne izborne komisije (u daljnjem tekstu: izborna komisija) kod provedbe Općih izbora 2022. godine, u Bosni i Hercegovini, dana 02.10.2022. godine, dužan je nadgledati rad izborne komisije od 01.10. do 03.10.2022. godine, a imaju pravo i mogućnost da nadgledaju rad svakog biračkog odbora na biračkim mjestima u osnovnoj izbornoj jedinici.

Član 3. (Obaveze, prava i postupanje supervizora za nadgledanje rada izborne komisije)

Tokom nadgledanja rada izbornih komisija, supervizor:

- a) vrši nadgledanje rada izborne komisije i biračkih odbora.
- b) će biti prisutan kod provođenja izbornih aktivnosti od strane izborne komisije od 01. do 03.10.2022. godine
- c) upozorava izbornu komisiju i upućuje je na obavezu otklanjanja nepravilnosti
- d) ukoliko izborna komisija ne ukloni nepravilnost ili ne postupi u skladu sa propisima, obavještava Centralnu izbornu komisiju BiH,
- e) pruža savjetodavnu podršku izbornoj komisiji u poslovima unosa i objedinjavanja izbornih rezultata,
- f) upozorava izbornu komisiju o svim procesnim radnjama koje treba izvršiti ukoliko ovaj ne izvrši propisanu radnju i
- g) podnosi pisani izvještaj Centralnoj izbornoj komisiji BiH najkasnije 2 (dva) dana nakon održanih izbora.

Član 4.

Izborne komisije su obavezne da supervizora iz stava (1) ove Instrukcije, obavjeste o svim svojim aktivnostima, kao i da mu omoguće uvid u sve njihove aktivnosti.

Član 5.

(Izgled i sadržaj akreditacije)

(1) Akreditacija je pravougaonog oblika i sadrži sljedeće podatke:

a) u gornjem dijelu:

1) znak Centralne izborne komisije BiH;

b) ispod:

1) oznaka SUPERVIZOR,

2) broj akreditacije

3) datum izdavanja akreditacije i broj rješenja

4) potpis ovlaštenog lica koje je izdalo akreditaciju;

d) pored potpisa, u desnom uglu:

1) pečat Centralne izborne komisije BiH.

(2) Akreditacija je bijele boje.

(3) Podaci na akreditaciji štampaju se na jezicima i pismima koji su u službenoj upotrebi u Bosni i Hercegovini.

(4) Na poledini akreditacije ispisan je tekst: "Supervizor u toku nadgledanja izbornog procesa neće ometati izborne aktivnosti i poštovat će tajnost glasanja. Za vrijeme nadgledanja izbornih aktivnosti supervizor će nositi službenu akreditaciju.

Član 6.

(Prilozi)

Sastavni dio ove Instrukcije je Kodeks ponašanja posmatrača i izgled akreditacije.


Član 7.

(Stupanje na snagu i objava)

Ova Instrukcija stupa na snagu danom donošenja, a objavit će se na internet-stranici Centralne izborne komisije BiH.

Broj: 05-1-07-5-1805-1/22

Sarajevo, 23.09.2022. godine



KODEKS PONAŠANJA ZA POSMATRAČE

Stalno biti strogo politički nepristrasan Posmatrači moraju stalno biti strogo politički nepristrasni, uključujući i slobodno vrijeme. Oni ne smiju izraziti ili pokazati predrasude ili prednost u vezi sa političkim strankama, kandidatima ili u vezi sa spornim pitanjima u izbornom procesu. Posmatrači također ne smiju provoditi bilo kakvu aktivnost koja bi se razumno mogla shvatiti kao preferiranje ili davanje političke dobiti za bilo kojeg političkog subjekta, kao što je nošenje ili pokazivanje bilo kakvih političkih simbola, boja, zastava ili prihvatanje vrijednosti od političkih natjecatelja.

Ne smiju opstruirati izborne procese Posmatrači ne smiju opstruirati bilo koji element izbornog procesa, uključujući procese prije izbora, glasanje, brojanje i prikazivanje rezultata i procese poslije dana izbora. Posmatrači mogu na licu mjesta izbornim zvaničnicima skrenuti pažnju na nepravilnosti, prijevaru ili značajne probleme, osim ako je to zabranjeno zakonom i to moraju uraditi na ne opstruktivan način. Posmatrači mogu postavljati pitanja izbornim zvaničnicima sve dok posmatrači ne opstruiraju izborni proces.

Prikazati prikladnu identifikaciju Posmatrači moraju jasno prikazati identifikaciju obezbijedenu od strane Centralne izborne komisije BiH za posmatranje izbora, kao i lični identifikacioni dokument na zahtjev izbornih organa.

Zadržati tačnost zapažanja i profesionalizam u donošenju zaključaka Posmatrači moraju osigurati da su sva njihova zapažanja tačna. Zapažanju moraju biti razumljiva, bilježeći pozitivne kao i negativne faktore, praveći razliku između značajnih i neznčajnih faktora i identificirajući modele koji bi mogli imati veoma bitan uticaj na integritet izbornog procesa. Odluke posmatrača moraju biti zasnovane na najvišim načelima tačnosti informacija i nepristrasnosti analize, praveći razliku između subjektivnih faktora i objektivnih dokaza. Posmatrači sve svoje zaključke moraju zasnovati na činjeničnim i dokazivim dokazima i ne smiju prerano donositi zaključke. Posmatrači također moraju imati evidenciju o mjesu gdje su posmatrali izbore, zapažanjima i drugim relevantnim informacijama kako nalaže Centralna izborna komisija BiH i takve dokumente moraju predati.

Suzdržati se od davanja komentara u javnost ili medijima Posmatrači se moraju suzdržati od davanja bilo kakvih ličnih komentara o njihovim zapažanjima novinarima ili članovima javnosti, osim ako je to drugačije specifično naloženo od strane Centralne izborne komisije BiH. Posmatrači bi trebali medije ili ostale zainteresovane osobe uputiti na one osobe koji su određeni od strane Centralne izborne komisije BiH za davanje informacije.

Zadržati prikladno ponašanje Posmatrači moraju zadržati prikladno ponašanje i poštovati druge, uključujući izražavanje, koristiti dobro procjenu u ličnim kontaktima i imati profesionalno ponašanje na najvišoj razini, čak i u slobodno vrijeme.

Svaka osoba koja učestvuje u posmatranju izbora mora pročitati i razumjeti ovaj Kodeks ponašanja.

BOŠNA I HERCEGOVINA CENTRALNA IZBORNA KOMISIJA SREDIŠNJE IZBORNO POUVERENSTVO BOŠNA I HERCEGOVINA ЦЕНТРАЛНА ИЗБОРНА КОМИСИЈА БРОЈ AKREDITACIJE: _____ Pravo nadgledanja prema rješenju SIP br. _____ Nadnevak: _____ Ovjerava: _____ MP SUPERVIZOR	Supervizor tijekom nadgledanja izbornog procesa neće ometati izborne aktivnosti i poštivat će tajnost glasanja. Za vrijeme nadgledanja izbornih aktivnosti, supervizor će nositi službenu akreditaciju.
BOŠNA I HERCEGOVINA CENTRALNA IZBORNA KOMISIJA SREDIŠNJE IZBORNO POUVERENSTVO BOŠNA I HERCEGOVINA ЦЕНТРАЛНА ИЗБОРНА КОМИСИЈА БРОЈ AKREDITACIJE: _____ Pravo nadgledanja prema rješenju CIK br. _____ Datum: _____ Ovjerava: _____ МП СУПЕРВИЗОР	Супервизор, у току надгледања изборног процеса, неће ометати изборне активности и поштоваће тајност гласања. За вријеме надгледања изборних активности, супервизор ће носити службену акредитацију.
BOŠNA I HERCEGOVINA CENTRALNA IZBORNA KOMISIJA SREDIŠNJE IZBORNO POUVERENSTVO BOŠNA I HERCEGOVINA ЦЕНТРАЛНА ИЗБОРНА КОМИСИЈА БРОЈ AKREDITACIJE: _____ Pravo nadgledanja prema rješenju CIK br. _____ Datum: _____ Ovjerava: _____ MP SUPERVIZOR	Supervizor, u toku nadgledanja izbornog procesa, neće ometati izborne aktivnosti i poštivat će tajnost glasanja. Za vrijeme nadgledanja izbornih aktivnosti, supervizor će nositi službenu akreditaciju.